



# Da hêza dil û mejiyê jinê dîyar bikin



Meryem  
Şêxmûs Eseed

Demê em reseniya mêyatiya jinê û siruştê wê wek jêderê bo têkdanê dihêlîn, dilreşî bo me jê çêdibe, li wî demî em bi xwe valahiya deronî digirin, da em çavlêkirinê ji hindek saxletên ku digel regezê me yê ciwan û dahêner werbigirin dihevdij bin.

Husa em pêdivî hindek rêkên rasteqînene ku em pê jiyana bikin û xwe li hîviya çî piştevanan ne girin. ku werara civakî û pêkhata wî dibite tişte hamsî, her weku çax wî paldide, neku ew çaxî paldid e. Ya veşartî nîne jî ku êk ji binemayên avakirina civakê, regezê mirovî yê mêye, lê erê em dişên

rewşa valahî û nîgeraniya deronî ya jina rojhilatî têde dijît mandel bikin? Hestkirin bi tirsê û bêzarî û toşbûn bi riswakirin û nîgeraniyê û bawerî bi xwe nebûn, rewşên derunîne û digel qonaxên mezinbûna jinê, ew jî mezin dibin, eve di ser hemû hestên wê re, bi hukmê hevdiya werara sistemê babsalarî bi berovajiya rewte siruştî yê mê û eve her ji zarokîniyê were û heta digehite qonaxa pêgehîştinê. Bo nimûne, da derona wê kiçê şirove bikin ya hezdike hindek demên xweş di jiyana xwe de biborîne, ku bi bexteweriya hizir û hîvî û xeyalên wêve digirêday bin. Yan jî heta ew hindek pirsiyaran li ser jiyana bike, dê bîni sizayê vê çendê dê ew bit ku bi çendeha roj û heyvan dê ji jiyana xwe bi riswayî borîne. Hosa li ser jinê hatiye çespandin ku çend çarkî sizayê xwe bide beramber wî tiştê ew werdigire. Ew zîndiyeke ne bawerpêkiriye û ji ber hindê ew neşê wî tiştê werdigire biparêz e û hosa jî dibite miroveka hamsî. Ev hemî ye jî bo kêma rewşenbîriya wê li ser regezê wê dizivire. Belku hindek jin retkirina wan taybetmendiya dikin yê bi wê ve di girêday, hosa ew dibite harîkar bo şêlandina wênê jinê di wan cudahiyan digel zêlamî de heyin, çî bi merem yan bê merem, di ser hindê re ku ev cudahiye jêderê hêza jinêne ji layê hizirî û sozdarî û têgehîştinê ve, belku heta ji layê pêrabûnê kiriyarî ve jî, jiber eve ye rathêl û eve ye sirust. Binema û yasayên jinan yê re sen hinekê ji me di dîr in, singên mejî valahiye mezin keftiyê. Heta ku sozame jî ber bi diwariyê diçe. Ew valahiya deronî, rêkê li ber hemû bi-



yaniyekî vedike ku li ser me zal be û em hemû fermanên wî bicih bînin.

Li vêderê divêt em lumeya ji kesê nekin, lê divêt em xwe bihêz bêxin û nehêlin her kes li ser me zal be ku tinê em fermanên wî bicih bînin û jiyana me araste bikit, jin nehewcey çî şîret û serbora nîne, belku li her cihê hebe ew dişê derona xwe rêk bêxe û kar û sozdariya xwe jî rêk û pêk bike, hosa bazineya karê wê dê berfireh be, çunku karê jinê ne tinê dibite jintî û dayiktî û bi xudankirina zarokan, belku şîyanên wê pitir in, heta divê mijarê de jî berêxwedaneke dî li xwe bike. Çunku jin divêt seh-kete rêkên dahênanê di pêrabûnê karî de, çî li ser astê rewşenbîrî, civakî, yan jî siyasî. Çunku digel guhorînên nû yên civak têde dibort û wênê wê nûyatiya çêdibe, ewa ev qonaxe pê bijare dibe, têde herkes bo rastvekirinan li dû mercên hevguncay toş dikin, bitaybet jî li ser astê jinan, ku di şiyande ye bêjine vî çaxî, çaxê (bihara jinan). Lewra û jibo ku xwe guncandinê digel siruştê biharê, havêtina pêngaveke dî ji wan dihête xwastin ku digel werzê biharê bigunce, çunku bihar bi xwe despêkirineka dî ye piştî zivistaneka sir û sar . Her dem jî, bo dîtina çareseriyên, li despêkê eger û hukar dihêne vekulan. Lê diser vî binikê asane re, gava her tişt girêday deronê mirov be û sizadana wî be, hîngê em xwe ji vî binikî vedidizin. Belê bi piştevanîyeka mînevî ya mezin, em dê bine senter û dê hemû baweriyê bi

xwe zivirînin, belku danana bernamekê karî yê biçûk bibite pal-derekê asane ji bo despêkirina têkbizivînê digel jiyane û bicih înanan wan armancên em kar bo dikin û hîvî bicih bihên. Vêca heger te xwe bêzar dît û ji derona xwe ya razî nîn û ya dibînî ku ev rewşe li nik te dubare dibe, bizavê bike ku kar û erkên xwe nûjen bike, birêka guherîna kirina wan karan û behreyan xwe pêş bêxe û li jêderê xweşiyê bo xwe û xêzana xwe û cîranê xwe bigere û paşî bo gel û welat û netewa xwe û jibo vê xwe ji aliyê deronî û hizirî ve berihev bike û bi rişdî kar bo bike. û encamên karê xwe berçav bike û nebêje çî karên rasteqîne min nekirîne û aliyên nebaş û lawaz dest nîşan bike, bitaybet jî yên girêday xizmetkirina xelkî, ku ev cure kare hestkirineke mezin dibexşin û baweriyê mezin didine mirovî û mirov digel xwe hêja û mezin dibîne. Hîngê dê hest kin ku em jêderê pişkdaryê ne di werarikirina civakî û mirovî de, divêt em jibîr nekin ku şaşî dê her hebin, lê divêt xwe ji sûça û şaşiyê bi merem dîrkin. Bizanin ku jin zîndewerekî bibihaye û dişîyanên wê de ye ava bikit. Ma çend jinan di dîrokê de dilê xwe û suzdariya xwe kirine yek û şer kirîne başî û dehbe kirîne mirov û ceng bo aştiyê guhertîne, dîrokê şanazî bi van jinan kiriye û navên wan di nav milletan de mayne sax, vêca da em jî bizavê bikin ku em ew hêla berde-wam bin dinavbera van jinên navdar û vî çaxî de.

